

**BADAN KEBAJIKAN PERKHIDMATAN PERAKAUNAN
AKAUNTAN NEGARA MALAYSIA
(BERKAT)**

GARIS PANDUAN PEMBERIAN BANTUAN & SUMBANGAN BERKAT

BIL.	PERIHAL SUMBANGAN	KELAYAKAN	KADAR	DOKUMEN SOKONGAN	TEMPOH KELAYAKAN PERMOHONAN
1. KEBAJIKAN					
1a.	Bencana Alam – kemusnahan harta benda seperti berikut: i. Rumah yang didiami /dimiliki/ disewa oleh ahli; ii. Rumah yang dimiliki oleh ahli tetapi didiami oleh ibu/bapa ahli	<ul style="list-style-type: none"> Ahli 	<ul style="list-style-type: none"> Berdasarkan jumlah Kerugian: <ul style="list-style-type: none"> ✓ ≤ RM200 – nilai sebenar ✓ RM201-RM1,000 – RM200 ✓ RM1,001-RM3,000 – RM350 ✓ RM3,001-RM5,000 – RM450 ✓ RM5,001-RM10,000 – RM550 ✓ ≥RM10,000 – RM700 (maksimum) 	<ul style="list-style-type: none"> Slip gaji ahli Laporan Polis –nyatakan kerugian Pengesahan Pemilikan Aset (Lampiran C) Salinan akaun bank ahli 	<ul style="list-style-type: none"> Dalam tempoh 6 bulan daripada tarikh bencana
1b.	Kematian ahli	<ul style="list-style-type: none"> Waris Ahli 	<ul style="list-style-type: none"> RM1,000 	<ul style="list-style-type: none"> Salinan sijil kematian Salinan sijil nikah Salinan akaun bank waris 	<ul style="list-style-type: none"> Dalam tempoh 6 bulan daripada tarikh kematian
1c.	Kematian keluarga ahli (Suami/ isteri/ Ibu dan bapa kandung/ anak)	<ul style="list-style-type: none"> Ahli (seorang ahli sahaja layak mendapat sumbangan bagi kematian keluarga ahli yang sama) 	<ul style="list-style-type: none"> RM250 	<ul style="list-style-type: none"> Slip gaji ahli Salinan sijil kematian Salinan sijil nikah ahli / salinan kad pengenalan anak / sijil lahir anak (yang mana berkaitan) Salinan akaun bank ahli 	
1d.	Bantuan kesusahan lain	<ul style="list-style-type: none"> Ahli 	<ul style="list-style-type: none"> Tertakluk kepada kelulusan JK BERKAT (maksimum RM1,000/ keluarga) 	<ul style="list-style-type: none"> Slip gaji ahli Dokumen sokongan berkaitan Salinan akaun bank ahli 	

LAMPIRAN A

BIL.	PERIHAL SUMBANGAN	KELAYAKAN	KADAR	DOKUMEN SOKONGAN	TEMPOH KELAYAKAN PERMOHONAN
2. PENDIDIKAN					
2a.	Persekolahan	<ul style="list-style-type: none"> Anak kepada ahli berpendapatan bulanan seisi rumah RM4,000 dan ke bawah 	<ul style="list-style-type: none"> Sekolah rendah – RM100/ anak Sekolah menengah – RM200/ anak 	<ul style="list-style-type: none"> Slip gaji ahli dan pasangan Salinan kad pengenalan anak / sijil lahir anak Salinan akaun bank ahli / waris 	<ul style="list-style-type: none"> Tertakluk kepada tarikh akhir yang diiklankan
2b.	Masuk Institusi Pengajian Tinggi (IPT) bagi kali pertama termasuk Matrikulasi, Politeknik, Profesional Perakaunan (diploma/ asasi/ profesional perakaunan atau ijazah)	<ul style="list-style-type: none"> Permohonan yang sama layak sekali sahaja (pasangan juga ahli berkat) Anak ahli yang meninggal dunia dalam perkhidmatan (anak yatim) 	<ul style="list-style-type: none"> RM500/ anak 	<ul style="list-style-type: none"> Slip gaji ahli dan pasangan Salinan kad pengenalan anak/sijil lahir anak Salinan surat tawaran IPT Salinan akaun bank ahli / waris 	<ul style="list-style-type: none"> Dalam tempoh 6 bulan daripada tarikh daftar IPT
2c.	Anugerah cemerlang dalam peperiksaan	<ul style="list-style-type: none"> Anak ahli Permohonan yang sama layak sekali sahaja (pasangan juga ahli berkat). Anak ahli yang meninggal dunia dalam perkhidmatan (anak yatim) 	<ul style="list-style-type: none"> UPKK (sekurangnya 8A) – RM50 UPSR (sekurangnya 5A) – RM70 PT3 (sekurangnya 8A) – RM100 SPM (sekurangnya 8A) – RM120 STPM/ STAM (sekurangnya 5A) – RM150 	<ul style="list-style-type: none"> Slip gaji ahli Salinan kad pengenalan anak / sijil lahir anak Salinan keputusan peperiksaan Salinan akaun bank ahli / waris 	<ul style="list-style-type: none"> Dalam tempoh 6 bulan daripada tarikh keluar keputusan peperiksaan

LAMPIRAN A

BIL.	PERIHAL SUMBANGAN	KELAYAKAN	KADAR	DOKUMEN SOKONGAN	TEMPOH KELAYAKAN PERMOHONAN
2. PENDIDIKAN					
2d.	Anugerah Kecemerlangan Peningkat Tertinggi	<ul style="list-style-type: none"> Anak ahli Permohonan yang sama layak sekali sahaja (pasangan juga ahli berkat). Anak ahli yang meninggal dunia dalam perkhidmatan (anak yatim) 	<ul style="list-style-type: none"> <i>Dean List</i> bagi Ijazah pertama perakaunan – RM300/ anak <i>Dean List</i> bagi ijazah pertama apa-apa bidang selain perakaunan – RM250/ anak 	<ul style="list-style-type: none"> Slip gaji ahli Salinan kad pengenalan anak / sijil lahir anak Salinan transkrip Salinan sijil penganugerahan <i>dean list</i> Salinan akaun bank ahli / waris 	<ul style="list-style-type: none"> Dalam tempoh 6 bulan daripada tarikh penganugerahan <i>dean list</i>
3. SOSIAL					
3a.	<p>Perayaan Utama (Hari Raya Aidilfitri/ Tahun Baru Cina/ Deepavali/ Krismas/ Gawai/ Keamatan/ Vasakhi dan lain-lain perayaan utama)</p> <p>- Permohonan layak untuk satu perayaan utama sahaja dalam tahun yang sama</p>	<ul style="list-style-type: none"> Anak kepada ahli berpendapatan bulanan seisi rumah RM4000 dan ke bawah (berumur ≤18 tahun/ anak OKU) Permohonan yang sama layak sekali sahaja (pasangan juga ahli berkat). Anak ahli yang meninggal dunia dalam perkhidmatan berumur ≤18 tahun/ anak OKU (anak yatim) 	<ul style="list-style-type: none"> RM100/ anak 	<ul style="list-style-type: none"> Slip gaji ahli dan pasangan Salinan kad pengenalan anak / sijil lahir anak Salinan akaun bank ahli / waris 	<ul style="list-style-type: none"> Tertakluk kepada tarikh akhir yang diiklankan

LAMPIRAN A

BIL.	PERIHAL SUMBANGAN	KELAYAKAN	KADAR	DOKUMEN SOKONGAN	TEMPOH KELAYAKAN PERMOHONAN
3. SOSIAL					
3b.	Sumbangan Kecemerlangan Sosial Peringkat Antarabangsa	<ul style="list-style-type: none"> Anak ahli Anak kepada ahli yang telah meninggal dunia dalam perkhidmatan (anak yatim) Permohonan yang sama layak sekali sahaja (pasangan juga ahli berkat) Terbuka kepada semua peringkat sama ada sekolah rendah/ menengah/ pengajian tinggi tempatan sahaja Pengiktirafan antarabangsa sahaja (wakil negara) Memperolehi penganugerahan sama ada juara, naib juara atau tempat ketiga sahaja. 	<ul style="list-style-type: none"> RM100/ anak bagi setiap penganugerahan yang diterima 	<ul style="list-style-type: none"> Slip gaji ahli Salinan kad pengenalan anak / sijil lahir anak Sijil penganugerahan juara/ naib juara/ ketiga peringkat antarabangsa Salinan akaun bank ahli 	<ul style="list-style-type: none"> Dalam tempoh 6 bulan daripada tarikh penganugerahan

LAMPIRAN A

BIL.	PERIHAL SUMBANGAN	KELAYAKAN	KADAR	DOKUMEN SOKONGAN	TEMPOH KELAYAKAN PERMOHONAN	
4. KESIHATAN						
4a.	Masalah kesihatan yang teruk atau kritikal (rujuk definisi kesihatan kritikal pada soalan lazim)	<ul style="list-style-type: none"> Ahli Keluarga Ahli (Suami/ isteri/ anak ≤18 tahun/ anak OKU) Permohonan yang sama layak sekali sahaja (pasangan juga ahli berkat). 	<ul style="list-style-type: none"> Maksimum RM1000/ keluarga – tertakluk kepada kelulusan JK BERKAT Pendahuluan RM250 bagi masuk wad kerana penyakit kronik/ kemalangan 	<ul style="list-style-type: none"> Slip gaji ahli Salinan sijil nikah ahli / salinan kad pengenalan anak/ sijil lahir anak (yang mana berkaitan) Pengesahan doktor Pengesahan Ketua Jabatan (jika berkaitan) Salinan akaun bank ahli 	<ul style="list-style-type: none"> Dalam tempoh 6 bulan daripada tarikh kejadian 	
4b.	Kecederaan parah akibat kemalangan					
4c.	Peralatan sokongan bagi kurang upaya (jika tiada kelulusan kemudahan Kerajaan)					
4d.	Masuk wad untuk rawatan penyakit (kecuali bersalin)		<ul style="list-style-type: none"> Berdasarkan bilangan hari masuk wad: <ul style="list-style-type: none"> ✓ 1 hingga 3 hari – RM50; ✓ 4 hingga 10 hari –RM100; ✓ Minggu seterusnya – RM50 setiap genap seminggu; Maksimum RM1,000/ keluarga setahun 		<ul style="list-style-type: none"> Slip gaji ahli Salinan sijil nikah ahli / salinan kad pengenalan anak/ sijil lahir anak (yang mana berkaitan) <i>Discharge Note</i> / Pengesahan rawatan di wad Salinan akaun bank ahli 	<ul style="list-style-type: none"> Dalam tempoh 6 bulan daripada tarikh keluar wad
4e.	Masuk wad bagi rawatan keguguran					

LAMPIRAN A

BIL.	PERIHAL SUMBANGAN	KELAYAKAN	KADAR	DOKUMEN SOKONGAN	TEMPOH KELAYAKAN PERMOHONAN
5. KEAHLIAN					
5a.	Sumbangan Persaraan	<ul style="list-style-type: none"> Ahli 	<ul style="list-style-type: none"> RM200/ ahli yang bakal bersara 	<ul style="list-style-type: none"> Slip gaji ahli Salinan akaun bank ahli <p>Catatan: Boleh dituntut oleh Agen secara pukal dengan mengemukakan senarai nama ahli yang akan bersara pada tahun semasa beserta dokumen sokongan (slip gaji ahli).</p>	<ul style="list-style-type: none"> Dalam tempoh 6 bulan sebelum atau selepas tarikh persaraan

Nota:

- Mesyuarat BERKAT Bil 4 Tahun 2020 bertarikh 15 Disember 2020 – Bersetuju (i) pelanjutan tempoh permohonan daripada 3 kepada 6 bulan; (ii) kadar bantuan perayaan dinaikkan kepada RM100; (iii) sumbangan kecemerlangan sosial peringkat antarabangsa & sumbangan persaraan kepada ahli diperkenalkan. Kesemua penambahbaikan ini berkuatkuasa 01 Januari 2021.
- Mesyuarat BERKAT Bil 1 Tahun 2021 bertarikh 30 Mac 2021 – Bersetuju (i) terma tuntutan 1 kali dalam tempoh setahun bagi bantuan bencana alam digugurkan daripada syarat kelayakan tuntutan; (ii) sumbangan kecemerlangan anak-anak di peringkat tertinggi diperkenalkan seperti mana bil 2d.
- Bayaran sumbangan/bantuan dilaksanakan secara bulanan sama ada melalui kelulusan secara edaran atau melalui mesyuarat Jawatankuasa. Permohonan lengkap diterima diproses pada minggu pertama setiap bulan.
- Mesyuarat BERKAT Bil 3 Tahun 2021 bertarikh 11 Oktober 2021 - Bersetuju Matrikulasi, Politeknik, Profesional Perakaunan layak dipertimbangkan bagi pemberian sumbangan kali pertama kemasukan ke IPT.
- Mesyuarat BERKAT Bil 4 Tahun 2021 bertarikh 03 Januari 2022 – Bersetuju kadar pemberian bagi kerugian akibat bencana alam dipinda kepada jumlah kerugian ≤ RM200 – bantuan adalah mengikut kepada nilai kerugian sebenar dan jumlah kerugian RM201-RM1,000 – bantuan diberi adalah RM200.

**BADAN KEBAJIKAN PERKHIDMATAN PERAKAUNAN
AKAUNTAN NEGARA MALAYSIA
(BERKAT)**

GARIS PANDUAN PEMBERIAN SUMBANGAN BERKAT

SOALAN LAZIM

A. SUMBANGAN/ BANTUAN KEBAJIKAN

1. Apakah kategori bantuan kebajikan BERKAT?

Terdapat tiga kategori bantuan kebajikan berkat iaitu:

- i) Bantuan bencana alam
- ii) Bantuan kematian
- iii) Bantuan kesusahan lain

2. Apakah bencana alam yang layak memohon bantuan BERKAT?

Bencana yang layak dimohon bantuan BERKAT adalah merujuk kepada bencana alam yang menyebabkan kemusnahan barangan/ peralatan yang berada di rumah seperti berikut:

- i) Rumah yang dimiliki/ disewa/ didiami oleh ahli; atau
- ii) Rumah yang dimiliki oleh ahli tetapi didiami oleh ibu/bapa ahli.

3. Adakah kerosakan kenderaan disebabkan bencana alam yang berlaku di luar kawasan rumah layak dimohon bantuan?

Kerosakan ke atas kenderaan disebabkan oleh bencana alam yang berlaku di luar kawasan rumah tidak dikategorikan sebagai bantuan yang layak dimohon.

4. Berapakah kadar bantuan bencana yang disumbangkan oleh BERKAT?

Kadar bantuan bencana alam BERKAT adalah bergantung kepada anggaran kerugian yang ditanggung oleh ahli akibat bencana alam yang berlaku seperti berikut:

Anggaran Kerugian	Kadar Bantuan
≤ RM1,000	RM200
RM1,001 – RM3,000	RM350
RM3,001 – RM5,000	RM450
RM5,001 – RM10,000	RM550
>RM10,000	RM700

5. Siapakah yang layak memohon bantuan kematian BERKAT?

Terdapat dua kategori pemohon yang layak untuk memohon bantuan kematian BERKAT iaitu:

- i) Ahli – permohonan bantuan disebabkan kematian keluarga ahli
- ii) Waris Ahli – permohonan bantuan disebabkan kematian ahli
- iii) Ejen – permohonan bayaran balik

6. Apakah yang dimaksudkan sebagai 'keluarga ahli'?

Keluarga ahli terdiri daripada suami/ isteri/ ibu kandung/ bapa kandung/ anak yang berumur 18 tahun dan ke bawah / anak OKU.

7. Berapakah kadar bantuan kematian yang disumbangkan oleh BERKAT?

Kadar bantuan kematian adalah seperti berikut:

Kategori	Kadar Bantuan
Kematian Ahli	RM1,000
Kematian Keluarga Ahli	RM250

B. SUMBANGAN/ BANTUAN PENDIDIKAN

1. Siapakah yang layak memohon bantuan/ sumbangan Pendidikan BERKAT?

Terdapat 3 kategori pemohon yang layak untuk memohon bantuan / sumbangan pendidikan iaitu:

- i. Anak kepada Ahli yang susah di mana pendapatan kasar bulanan seisi rumah RM4,000 dan ke bawah; atau
- ii. Anak kepada pegawai yang telah meninggal dunia sewaktu masih menjadi ahli BERKAT; atau
- iii. Anak kepada ahli yang mendapat keputusan cemerlang dalam peperiksaan.

2. Bagaimana untuk mengetahui status permohonan sama ada lulus ataupun tidak?

Semua keputusan permohonan akan dimaklumkan kepada Agen BERKAT yang berkenaan secara emel. Agen BERKAT adalah bertanggungjawab untuk memanjangkan keputusan tersebut kepada ahli.

3. Adakah semua anak ahli yang layak akan menerima bantuan persekolahan?

Semua anak ahli yang memenuhi syarat kelayakan layak dipertimbangkan untuk menerima bantuan persekolahan mengikut kadar yang telah ditetapkan.

4. Sekiranya terdapat lebih seorang anak yang memasuki IPT pada tahun yang sama, adakah keduanya layak menerima bantuan yuran kemasukan IPT?

Merujuk kepada Para 4.4 di dalam polisi/garis panduan pemberian sumbangan Pendidikan BERKAT, kedua-dua anak layak dipertimbangkan untuk menerima bantuan mengikut kadar yang ditetapkan.

5. Adakah anak kepada ahli yang telah meninggal dunia layak mendapat bantuan pendidikan BERKAT?

Anak kepada ahli yang telah meninggal dunia layak diberikan bantuan persekolahan, bantuan masuk IPT buat kali pertama dan sumbangan bagi pencapaian yang cemerlang dalam peperiksaan.

C. PEMBERIAN SUMBANGAN/ BANTUAN KESIHATAN

1. Apakah yang dimaksudkan dengan penyakit yang teruk/kritikal di mana boleh diberi pertimbangan bantuan BERKAT?

Penyakit yang teruk/kritikal di mana boleh diberi pertimbangan bantuan berkat adalah seperti berikut:

1.1 KANSER

Penyakit yang disebabkan oleh ketumbuhan dan penularan sel-sel yang sangat berbahaya dan serangan tisu-tisu dibuktikan dengan *histology* yang jelas. Penyakit ini merangkumi *leukemia lymphoma* dan penyakit *Hodlin* tetapi tidak termasuk ketumbuhan yang tidak berbahaya dan semua jenis kanser kulit kecuali *malignant melanoma*.

1.2 SERANGAN JANTUNG

Suatu keadaan yang timbul kerana matinya sebahagian daripada otot jantung disebabkan pembekalan darah yang kurang ke bahagian jantung yang relevan dengan tanda-tanda seperti sakit dada, perubahan ECG dan tahap enzim jantung yang meningkat. Serangan sakit jantung boleh mengakibatkan perkara-perkara berikut:-

a) ***Penggantian atau Pembaikan Injap Jantung***

Prosedur di mana pembedahan jantung terbuka dilakukan untuk mengganti atau memperbaiki injap jantung yang telah rosak.

b) **Pembedahan Arteri Jantung/Coronary Angioplasty**

Prosedur yang melibatkan *coronary artery by-pass surgery* dilakukan untuk membetulkan arteri jantung yang tersumbat termasuk *angioplasty*.

c) **Pembedahan Aorta**

Prosedur yang melibatkan bahagian aorta yang sakit dibedah dan digantikan dengan *graft*. Aorta yang terlibat ialah *thoracic* dan *abdominal aorta*.

1.3 PULMONARY HYPERTENSION

Pengesahan mestilah diperolehi daripada doktor pakar yang berkaitan.

1.4 SAKIT BUAH PINGGANG YANG KRONIK

Penyakit di mana kedua-dua buah pinggang telah gagal dipulihkan dan tidak boleh berfungsi lagi dan memerlukan dialisis renal dan pemindahan renal.

1.5 SAKIT HATI (LIVER) YANG KRONIK

Tanda-tanda penyakit ialah diserang penyakit *jaundice*, *ascites* dan/atau *hepatic encephalopathy*.

1.6 FULMINANT VIRAL HEPATITIS

Necrosis hati sepenuh atau sebahagian disebabkan virus hepatitis yang mengakibatkan kegagalan hati selepas ujian fungsi hati dilakukan yang juga menunjukkan *massive parenchymal liver disease* dan juga tanda-tanda *portasystemic encephalopathy*.

1.7 KECEDERAAN DIKEPALA DISEBABKAN KEMALANGAN

Kecederaan kepala disebabkan kemalangan (termasuk kerana diserang) mengakibatkan trauma kepala teruk dengan defisit neurological yang juga boleh mengakibatkan kematian bila pertama kali dimasukkan ke wad kecemasan, atau walaupun selamat, pesakit mengalami kecederaan kepala yang kekal atau lumpuh. Pengesahan pakar saraf atau pakar bedah saraf mestilah diperolehi.

1.8 TUMOR DAN KECACATAN PEMBULUH DARAH DI OTAK

Pengesahan mestilah diperolehi daripada pakar saraf atau pakar bedah saraf.

1.9 MELEPUH DAN MELECUR KERANA KEBAKARAN

Third degree burns yang meliputi 40% daripada anggota yang boleh mengakibatkan kepada kematian apabila pertama kali dimasukkan ke hospital atau mengakibatkan kecacatan fungsi atau kecacatan kosmetik yang memerlukan pembedahan membaikpulih.

1.10 PEMINDAHAN ORGAN UTAMA

Pemindahan organ seperti buah pinggang, hati jantung, paru-paru *pancreas* dan tulang sum-sum.

1.11 PENYAKIT PARKINSON

Pengesahan mestilah diperolehi daripada doktor pakar yang berkaitan.

1.12 PENYAKIT HIV DAN AIDS

Pengesahan mestilah diperolehi daripada doktor pakar yang berkaitan.

1.13 PEMINDAHAN KAKI DAN/ATAU TANGAN

Ini tidak merupakan penyakit dalam ertikata sebenar. Namun begitu kecederaan dan ketidaksempurnaan disebabkan penyakit atau kemalangan boleh mengakibatkan salah satu daripada anggota tangan disebelah atas termasuk tangan dan sendi bahu dan anggota kaki di sebelah bawah termasuk kaki dan sendi pinggul terpaksa dipotong. Pemetongan kecil jejeri kaki atau tangan tidak layak diberi bantuan.

2. Bagaimanakah perkiraan sumbangan/ bantuan Masuk Wad?

Perkiraan sumbangan/ bantuan Masuk Wad adalah berdasarkan kadar bilangan hari masuk wad. Berikut adalah contoh perkiraan:

KES 1 : PENGIRAAN KADAR (BILANGAN HARI)

A merupakan ahli BERKAT, telah dimasukkan ke wad pada 1 Ogos 20x1 dan telah dibenarkan keluar wad pada 16 Ogos 20x1.

- (i) Berapakah kadar sumbangan yang layak diterima oleh A terima daripada BERKAT?
- (ii) Bilakah tarikh akhir penyerahan tuntutan daripada A kepada agen BERKAT?

Jawapan :

- (i) Jumlah bayaran ialah RM100 dengan perincian seperti yang berikut:

Bilangan Hari	Kadar (RM)	Pengiraan	
1-3 hari	RM50	1 Ogos 20x1 - 3 Ogos 20x1	RM50
4-10 hari	+ RM50	4 Ogos 20x1 – 10 Ogos 20x1	+ RM50
setiap genap seminggu	+ RM50	11 Ogos 20x1 – 16 Ogos 20x1	tiada (tempoh tidak cukup seminggu)

- (ii) Tarikh akhir tuntutan ialah 16 November 20x1

D. KEAHLIAN BERKAT

- 1. Siapakah yang layak menjadi Ahli BERKAT dan bagaimana permohonan untuk menjadi Ahli BERKAT?

Undang-undang dan Perlembagaan BERKAT Fasal 4 para 4.1 dan 4.2 telah menggariskan bahawa keahlian BERKAT terbahagi kepada dua(2) kategori seperti berikut;

(a) Semua anggota yang berkhidmat di Jabatan Akauntan Negara di seluruh Malaysia dan semua anggota Perkhidmatan Perakaunan yang berumur 18 tahun ke atas dan berwarganegara Malaysia, adalah secara automatik menjadi Ahli BERKAT.

(b) Ahli keluarga terdiri daripada anggota keluarga ahli. Ahli keluarga tidak berhak mengundi dan memegang jawatan dalam BERKAT.

2. Bilakah Ahli BERKAT tidak lagi layak menjadi Ahli BERKAT?

Fasal 5 para 5.1 Undang-undang dan Perlembagaan BERKAT telah menyatakan bahawa ahli yang tidak lagi berkhidmat di JANM atau berhenti dari Perkhidmatan Perakaunan secara otomatis adalah berhenti daripada menjadi Ahli BERKAT.

3. Bolehkah Ahli BERKAT dipecat atau digantung dari menjadi Ahli BERKAT?

Fasal 5 para 5.2 Undang-undang dan Perlembagaan BERKAT telah menyatakan bahawa mana-mana ahli yang gagal mematuhi undang-undang BERKAT atau bertindak dengan cara yang akan mencemarkan nama baik BERKAT boleh dipecat atau digantung keahliannya bagi satu tempoh sebagaimana yang difikirkan munasabah oleh Jawatankuasa. Sebelum Jawatankuasa memecat atau menggantung ahli tersebut, ahli itu hendaklah diberitahu akan sebab-sebab bagi pemecatan atau penggantungannya secara bertulis. Ahli tersebut juga hendaklah diberi peluang untuk memberi penjelasan dan membela dirinya. Pemecatan atau penggantungan itu hendaklah dilaksanakan melainkan mesyuarat agung menunda atau membatalkan keputusan itu atas rayuan oleh ahli tersebut.